

歐

北

集

駢北集卷十

起未巳四月
至甲申七月

陽湖 趙翼 耘菘

散館恭紀二首

三十餘人試殿墀姓名獨荷

帝疇咨

上獨呼臣翼
名宜見誦詞

小臣未敢他途進

聖主眞懸特達知詩草行書呈滿幅

詩稿呈
御覽

甄花跪奏語

移時廿年半落菰蒲士何幸親承雨露私

傳聞

天語殿東頭益愧才非第一流已忝班行詞館綴曾邀

名字

御屏留

去歲京察蒙
恩記名

文章似惜楊無敵骨相兼憐廣

不侯

引見後
上語大學士傅公
謂臣文自佳而殊少福和

寒士從來感知已况蒙

帝鑒更何求

新進士引 見余分校所得士館選者五人喜賦

蓬瀛新籍艷登仙桃李新陰盛事傳豈必榜分三鼎足

門下無
一甲者

已看堂聚五星躔敢誇衣鉢猶虛等記唱臚句僅

兩年

余殿試
僅二年

莫笑冬烘頭腦眩取材多半鄧林樛

病起贈醫士王又寧

吾生未四十飽歷憂患迹今年運尤蹇災星召時疫病
時入昏迷不自記危厄卻從少瘥後妻孥爲我自當其
初起時固未懼死迫人言不汗死我汗浹膚革豈知浮
在腠內邪實鬱積浸尋數日間其症遽增劇中熱灼肺
肝外鑠焦頭額火熾水益涸神昏失其宅二豎竄膏肓

萬鬼奪魂魄。抑掄侮三川。爭解聚伍伯。時作夢。嚙語聽者震。慙慙噓烟鼻。孔黔迸燄眼。芒赤舌強。如有擣皮枯。慘將殊失音。旋瘖啞作。呃轉嚙。喑命真懸髮。絲危只在旦夕。豈不力救療。醫來紛履舄。聚訟旣無定。臆見又多僻。或謂氣垂盡。補劑延晷隙。抱薪以救火。謬誤固非策。或謂熱太甚。冷劑解熹赫。杯水滴車薪。恆怯又何益。嗚呼此際身。萬分入窀穸。流聞親友間。一日死信百事已定。蓋棺時。惟待易簀。眼見三歲孤。呱呱奉主祀。忽然得君至。豈非天所擇。就我六尺牀。診我三部脈。謂尙有一線其路。則誠窄。舉家聞此語。敬奉逾上客。譬如國步艱。旁求得耆碩。掃境以聽命。一一咨前席。君也瞪目思毫

芒細分擘清以疏穢惡涼以解熏炙欲使泄尾閭先爲
度腹尺驟攻慮結燥潛滋俾潤澤沾溉旣回潮排決乃
下石當其心細時游絲裊空碧聽冰老狐渡算碁國手
奕及其膽豪處斬關奪險阨昆陽決死戰鉅鹿呼辟易
君術良已工我命乃遂獲出諸熾炭爐沃之甜雪液初
如纏縛開繼復障翳釋拔草務除根鑽李必去核病退
氣尙微精虛神易嚇旋進參朮良兼調粥糜適生意回
朽枯肉采起羸瘠鄒衍吹律溫庖丁奏刀若縷眞續命
懸香爲返魂擗婦子額手慶親朋笑言啞向使不遇君
久已作人腊古之和緩徒儒理兼綜數亦有扁盧輩神
技矜創闢君豈其流亞洞視膜理剖得心應之手方書

非擴據我瘳醒人事偶與談古昔清言何斐亹妙理更
絡繹胸羅富詩篇腹笥溢經籍意趣况閒雅嗜好兼迂
癖學醫二十年人命引已責得效不望報拯危甘爲役
以是業雖精家不積財帛始知其襟懷固高人數格繫
余叨店命銘感到肝膈愧無千黃金安得雙白璧囊因
買藥罄錢爲禳災斥書倉儲本空硯田蕪今瘠徒抱區
區懷相對惟踉蹌作詩紀絕藝聊誌意無數異時方技
傳或取登史冊

歲暮移寓裴家街次桐嶼見贈原韻

卜宅艱於渴掘泉敢期托跡杜韋天奇書載處分中秘
華屋移來似左遷自笑徒營懸磬室却慚不作買山錢

故鄉雖立猶無地賦罷登樓感仲宣

草草庭除舊貫因非無祭竈請比隣題詩敢倚樓名趙
作客曾煩榻下陳冰酒杯涵三徑雪唐花帘護一枝春
與君迭代尋常事誰定蘧廬作主人

桐嶼會寓此

送蔣心餘編修南歸

潞水春風綠半篙扁舟忽漫沂江臯竟拋官去談何易
爲養親歸意自高口腹累人應未免文章傳世早堪豪
著成潘岳閒居賦不向年光感二毛

敏捷詩如馬脫銜才高翻致謗難緘

有謂之於章院書故云

春歸織錦

新花樣老疊登場舊舞衫過眼恩讎收短劍隨身衣食

有長錢

布帆

經年不晤自情親冷煖場中兩故人
世謂灌夫能罵座我援瀧吏勸書紳
離筵一別真如雨浪跡重逢定幾春
更憶同時二張子公卿廉船皆因君交於余近來也復少音塵

六代風流建業中山來不可少詩翁氣兼湖海豪猶在
句得江山助益工買宅未妨如馬磨憑欄却喜對雞籠
君南來寓金陵已買宅雞籠山下即雞籠山也金陵近接毘陵路結社深慚未得同

心餘復以歸舟安穩圖索題惜別送行爲賦十二絕句

軟紅塵土十餘年一棹滄江意渺然
此老生平終墜落不登卿相卽求仙

底用蒲帆飽似弓歸田不與赴官同
任他振柁開船去

自有人間退鷁風

桃花貼浪柳垂堤一葉歸舟老幼齊難得全家總高致

介之雅母伯鸞妻

圖中太夫人樓夫人及諸郎咸集

白髮何曾歎倚閭逢臆閒課稚孫書數行波裏舟容與
穩過潘家御板輿

年家姊妹往來親內子披圖省識真燈下側聞頻歎息

他家真作

去鹿門人聲

閒澹高懷故是真蛾眉掩袖狂生嗔長年却指檣竿笑
此去欣無妬女津

故里曾無舊草廬金陵買宅定何如一舟聊比張思曼
且自牽來岸上鴈

雞犬圖書一櫂輕
寒官也算宦囊成
扁舟莫笑歸裝薄
還與空江載月明

波浪雄心漸已灰
刺船自唱櫓歌回
渡江把酒應長笑
曾記年時擊楫來

丁字簾鈎拂柳絲
六朝佳麗好填詞
挑燈自製秦淮曲
唱殺長干老伎師

采石磯頭片月高
一千年後少詩豪
知君醉酒江天夕
尚有生平宮錦袍

館閣相隨近十年
送君踪跡感夔蛇
却慚索米長安客
覲章爭嘔上水船

初用眼鏡

少年恃目力一覽數行下能從百步外遠讀屏滿架又
能寸紙上心經全寫罷因之不自惜選用弗使暇螢火
貯囊照隣燈鑿壁借俗勿交睫眠怒或裂背蛇豕豈知過
則傷索債乃不赦年來理鉛槧忽驚眩眊乍欲作蠅頭
書晴牕墨研磨不敢對南榮取光要旁迓恭逢 廷試
期方覲一戰霸生平見敵勇坐是臨陣怕眼光故如豆
况復蒙綃帕真愁霧看花幾俾晝作夜何來兩圖墜功
養補天罅長繩繫雙日橫橋向鼻跨瑩比壺映冰朗勝
炬燃樺平添膜一層翻使障翳化涼月淨無塵澄潭湛
不瀉瞳神失所居賃此得宅舍勝者掃之顯漆室變臺
榭小者拓之大蟻垤屹嵩華空中花不存鏡裏影逾蛇

遂覺螭懸輪可以命中射亥豕寧被訛焉烏漫售詐藥
堪決明蠲刮豈金篦藉奇哉洵巧製曷禁頻歎訝直於
人力窮更向天工假相傳宣德年來自番舶駕內府賜
老臣貴值兼金價所以屠公餽匏菴作詩謝見吳匏菴集初本
嵌玻璃薄若紙新研中土遞做造水晶亦流亞始識創
物智不盡出華夏繫余愧結習把卷頗嗜炙舊時多日
星去我一帆卸抱茲千年冰如刃難離櫛已知老漸侵
幸有光可貰誓將刮目待肯與反目罵珮璫共結綬詩
草同祭蜡收宜近筆牀挂豈雜弓弣留伴炳燭餘觀書
味噉蔗

題顧北墅蒲園小照

蒲團例坐苦頭陀那得豐頤腹更儼此是貫休羅漢相
故非枯木老禪和

粉署薇垣十載餘書生結習更誰如一編晏坐超神觀

還似秋林課讀初

君舊有秋林讀書圖

別墅林亭占白蒲如何一筆畫中無虎頭故有丹青手

好把家園自補圖

君善繪事有別業在如皁之白蒲鉤

拂珊光祿招同桐鱖秋帆時晴齋看花小飲卽用

去歲韻

春深氣暖敞軒楹集讖非爭好客名舊雨數人成晉契
小園半畝喜秦并開樽正及繁花放題壁猶傳快雪晴

齋名以快雪時晴帖題額

多愧詩篇難報謝賓筵頗荷主人迎

纔向花局改曲欄庭齋便異舊時觀半規池可陶泓洗
一丈山摹蜀道難書裏林繆分蘖就胸中邱壑愧盟寒
惟應日伴先生坐飽看新詩起紫瀾

賞花有約一年先每到花時續此緣

先生去歲時賄齊原借
有云未免花時費酒錢香

蒲何嫌無魏紫春暄恰好脫吳綿最難入座皆詞客似
爲徵詩破酒錢此事朋簪今漸少風流合付畫圖傳

壽尹望山相公七十

法酒榮頒七秩筵黃扉新映綠槐烟人傳與佛同生日

誕辰在四
月八日

帝命遷官寵大年

公節制兩江上命於誕
日前入覲遂則加大學士

國老膠庠言可乞

世家宰輔史應編

熙朝人瑞今真見突兀班行鶴髮

仙

松栢凌霜本後凋封疆處處駐星輅蒼生憂樂繫孤枕
黃髮勲名歷

兩朝燕寢凝香心似水茅簷待澤信如潮爲霖從此應
逾遍四海俱瞻玉燭調

金陵四度駐行轡都下黃童已白髯公謂身多宿緣在

公節制兩江凡四度曾有
詩云似與吳民有宿緣

人言地應福星占禦冬有務民

皆暖投夜無金吏自廉今日江南喧灌佛定知私祝徧
茅櫛

十年詩客辱知名燕見常叨倒屣迎蠟鳳諸郎皆好友

登龍前歲又門生

余辛巳殿試
公爲副榜官

後堂絲竹慚高第詞壘旌麾

許主盟不爲憐才致私祝昇平贊化要耆英

連日筆墨應酬書此一笑

詩非苦心作不成佳處又非苦心造縱窮罔兩搜元珠
不過寒郊瘦賈島粉蝶雙飛桃李春雄雞一唱天地曉
偶於無意爲詩處得一兩句自然好乃知茲事有化工
琢玉鏤金漫施巧如何一管秋兔毫立課分程日起草
腕脫抄習不停筆口授堂吏各成稿此是供役官文書
就中賞心固自少言情篇什貴雋永豈比宿逋可催討
假啼那得有急淚強笑安能便絕倒若不見倩人搔背
不肯癢 曹麻姑好指爪

弄璋歌賀拂珊光祿

玉果犀錢燕喜開龍駒蹴踏不凡材人間浴佛筵纔過

又見文殊抱送來

四月十日生子

纔聽東牀得寧馨金盆繡襖又添丁吉祥善事增佳話

舅比甥年小一齡

先生贊所嚴生去年得子

天上麒麟豈偶然定知孝穆以才傳學詩不用求師說

自有而翁一萬篇

喜氣盈門賀客填無功但寫弄壘箋祝詞高唱兒郎偉

要索先生湯餅筵

送王夢樓侍讀出守臨安

黃蓋朱轡臨廣陌官程遙指溟陽驛丈夫三十專城居
支俸爭誇二千石君背徒步諸生中其才八斗氣百尺

曾浮滄海觀扶桑放眼欲笑人間窄颶風覆舟身落水

幾被蛟龍食魂魄

君隨而使泛海封琉球力盡落海幾死

歸來射策金馬門鼎足

科名起通籍自後每試輒冠曹詞館一時盡辟易有

詔掄才出典郡一十七人膺選擇君乘五馬去最先牂

牁古郡刻畫戢此地由來控制雄幾分東西蠻烏白卽

今六詔輸賧馴不用三苗舞干格前驅弩負櫟榆君大

府堂開句町宅庭參禮數趨酋龍檄召威稜警孟獲風

靜胡牀鎮百蠻塵清絕徼通諸譯有官如此亦足豪人

生寧必九州伯况復滇南風景佳點蒼山青洱海碧裸

花如女顏姬姹姁烏喚人聲格磔自古未曾有品題一

經剪裁愈奇僻風氣將開不自顯似天留待詞人闢探

奇定訪昆明池弔古或慨瀾滄役苴蘭城是何王居大
度河從幾年畫蒙段分土稽合離唐宋割疆考沿革繡
臆遙臨路幾千錦囊會積詩盈百而我送君去作郡一
言欲贈繞朝策男兒素志雅不比得官豈爲取快適儒
林循吏二傳間位置必須爭一席矧茲擢用係破例詞
館不常有此格聲名要稱翰林官康濟莫辭賢者責本
有頭冰表潔清更攜掌露湛膏澤坐令獯獯襦袴多不
使駢駟聲教隔他年報最來都門重爲作詩紀政迹

題王勿齋孝廉觀潮遺照爲令嗣澂川郎中

結廬原近古迂倪壽裏春濤蹴浪齊可是九龍山上望

太湖萬頃碧玻瓈

看家無錫

不須更著孝廉船家世瀛洲第一仙想見臨流人意釣

還期手掣六鼇連

尊人諱雲錦由
殿撰官至學士

第二泉邊景最幽如何不寫一泓秋從知湖海襟期在
別愛滄波萬里流

湧泉萬斛擅詞源家學還堪澤後昆說夕郎揮制草

毫端十丈紫瀾翻

澈田保
直軍機

查初白集中有門神詩戲效其體

五彩桃符耀孟陬司閭常賴職勤修冠裳豈比關門吏

封爵還疑戶牖侯

陳平封
戶牖侯

棨戟餘威增肅穆簪纓古制儼

貽留監奴第令休矜龍別有尊嚴在上頭

劍笏森森謹護呵東西相向儼誰何滿身錦繡形空好

一紙功名價幾多，辟鬼漫同鍾進士。
序神還讓寇閭羅，欲稽故實慚荒陋。
或徧黃金四目難。

執鉞垂紳將相權，曾傳褒鄂壯凌烟。
描來花樣輝三徑，報滿瓜期例一年。
人欲登龍先仰望，門雖羅雀肯他遷。
誰家健婦誇持戶，勞績殊難企及肩。

漫嗤兩腳踏空虛，身已離塵跡自疎。
甘守倉琅監鎖鑰，肯隨珠履上堂除。
無言似厭人投刺，含笑應羞客曳裾。
暮夜金來君莫受，防他冷眼伺門閤。

結束斑斕絢彩霞，履紋赤舄帽烏紗。
如何赫奕三台象，也傍尋常百姓家。
兒女青紅輝共映，賓朋迎送靜無譁。
却輸黃面瞿曇老，安坐精廬供養除。

瀟陵醉尉氣如雷，汝獨無言冷似灰。
日傍獸銀身不動，夜同魚鱗日常開。
衣裳破孰丹青補，顏面衰因雨雪摧。
土偶若逢應一笑，依人門戶總堪哀。

種樹

兩株翠栢五株松，蔭滿齋前地。廿弓收點先生身，入畫
綠陰深處一詩翁。

帶得豐臺土一把，栽來高已拂簷牙。
庭前突見濃陰合，欲饗仙人頃刻花。

胸中邱壑構何年，種樹爲園翠蔽天。
看是豪奢却寒儉，省他六月搭棚錢。

閒步樹底小勾留，早有翩翩蛺蝶遊。
笑我與他同栩栩。

不知誰蝶又誰周

催喚僮奴抱甕過防他生意漸婆娑
僕行樹下親澆灌
自笑身如郭橐駝

濃綠何曾漏日光
濯枝雨過更蒼蒼
詩筒茗椀清陰下
閒與兒曹納晚涼

掠地橫枝偃蹇驕
釣衣拂帽向人撩
生平不解低頭拜
今日爲君屢折腰

拂翠松毛不可梳
蘂缸水滿映扶疎
午風忽動之而影
忙煞金鱗寸寸魚

十日炎歊作意熏
向榮枝漸少欣欣
貧官未是爲農日
也等田家望雨殷

翠痕深映讀書堂不見花紅但葉蒼說與愛花人聽取
花時那比葉時長

豪家別墅跨林郊此地何殊一曉巢惜得深園齊物理
滄溟未必勝堂坳

喜吟薌至京

離懷五載渺相思空谷梵然到履恭坐定君先詢近作
別來吾未有新知遊踪預恐桑三宿君將往山右昔面微添髣
幾絲僮僕也知交誼厚厨頭催取具盤匱

千里驅車向井陘感君枉道過虛庭路紆燕樹千行碧
身帶齊烟九點青佳客肯來惟舊雨故人漸散似晨星

心餘藏

船諸人雞鳴如晦聯牀話莫惜終宵仔細聽

夢亡內作

生前心事有餘悲入夢依然淚暗垂從我正當貧賤日
與君多半別離時紙錢豈解營環珮絮酒難償啖粥糜
一穗寒燈重悵憶簾前新月似愁眉

七年濶別路茫茫何事今宵入夢長似此貧宜無可戀
感君久尙不相忘孤魂想未歸先塋小膽深憐在鬼鄉
一語寄來聊慰藉後妻前女少參商

題王又寧獨立圖

花草溪山一筆無條然欲與古爲徒高情不逐紅塵夢
畫出蒼茫獨立圖

寫照如何貌失真披圖不道素相親幸君名姓韓康似

婦女都能識此人

題吟邾所譜蔡文姬歸漢傳奇

絕塞歸來髣似麻新聲哀怨出胡笳可憐一樣高才女

不及扶風曹大家

押六麻韻

識曲工詩韻若蘭忍隨塞馬到呼韓人間何限傷心事
千載同悲李易安

也似蘇卿入塞秋黃沙漠漠帶旃裘諸君莫論紅顏污
他是男兒此女流

琵琶馬上忍重彈家國俱催兩淚潛經過明妃青塚路
轉憐生入玉門關

卸卻豐貂改舊粧鏡奩開處費端相少年梳慣光熙樣

不識今時髻短長

莫被曹瞞詭竊名
謂他此舉尙人情
君看複壁收皇后
肯聽椒塗泣別聲

逸典能抄四百篇
不煩十吏校丹鉛
誰知書籍歸王粲
翻賴流離一女傳

寫出嬋娟寸斷腸
虎賁應倍感中郎
笑他高老琵琶記
何處添來趙五娘

錢茶山司寇以大集見示
捧誦之餘敬題於後
已擅巍科最兼期不朽
垂王瞻碁射酒鄭老
畫書詩身本有仙骨
學仍無斷時始知名
世者未易淺人窺

欲識通懷處談深引濁醪
人如東晉達才有大蘇豪
僞

體別裁盡真靈位業高幸叨鄉後進請益敢辭勞

後園居詩

昔年園居詩乃在尙書塢月榭間風亭石林蟠水府今
年園居詩蕭然一環堵地僅可芻量屋每牽蘿補若以
較疇昔曾何足比數顧獨少外營意境轉栩栩種樹鬱
成林蒔花疏爲圃花如莞而笑樹若翩以舞老我於其
間一窩自仰俯門外人海喧門內洞天古

頻年苦貧乏今歲尤艱難內子前致辭明日無朝餐一
笑謝之去勿得來相干吾方吟小詩一字尙未安待吾
詩成後料理蘼鹽酸君看長安道豈有餓死官

春風吹花落茵溷皆適然此豈天主之默註陰隲先奈

何世之人不平輒呼天經若操券責下愚真可憐天在
蒼蒼表但以一氣旋生物事已畢榮枯聽其緣若必件
件理掛一漏萬千安得如許天爲之定衡銓

百念俱已消名心猶未絕今亦蠲除盡不作死灰熱回
憶貪驚時心火炙精血恨不混沌後吾名猶不滅哀哉
一何愚志大力易竭堯舜周孔輩亘古數聖哲至今絕
域人猶未姓字識況以薄植姿而冀不朽烈何殊一豚
蹄乃祝滿篝獲

有客忽叩門來送潤筆需乞我作墓誌要我工爲諛言
政必龔黃言學必程朱吾聊以爲戲如其意所須補綴
成一篇居然君子徒核諸其素行十鈞無一銖此文尙

傳後誰復知賢愚或且引爲據竟入史冊幕乃知青史
上大半亦屬誣

公卿視寒士卑卑不足算豈知漏一盡氣箴隨烟散翻
藉寒士力姓名見豪翰使其早知此敢以勢位慢士也
而早知亦可自傲岸胡爲交失之各就目睫看此則工
瞞瞞彼則雄顧盼堪笑一雲泥誤此兩癡漢

文章千古事詎可以勢爭何哉諸巨公好以古學鳴未
便鳳樓造先長牛耳盟自命韓歐家羣奉燕許名譽之
稍不滿艷然輒怒生先生付一笑擿埴任冥行古來著
述事豈盡歸公卿

種松苦難長移植從豐臺種時已尋丈居然蔚條枚孰

知根實傷生意日就灰眼看漸枯萎徒勞費滋培旁有
小檜栢却自尺許栽欣欣獨向榮欲成不凡材乃知無
速化老壯由童孩欲速則不達卽事可類推

杜門少還往或憐我索居我豈真索居家有插架書其
中列古人何止十萬餘呼之而卽至不煩催小胥堪笑
今之人未必古人如偏覺見面難自高其門閭一刺投
已入勞我久駐車此土木偶耳曷怪與汝疎

吾友蔣心餘才志竝激宕一朝

豈非高尙官

去貧難歸母亦太孟浪書生命本薄作事須自量得官
藉餽粥全家飽祿養世無郝嘉賓辦裝誰可仗書因乞
米修錢待賣文償以口腹累人吾氣仍不壯托命於

君父終勝門戶傍

題熊鶴嶠編修畫冊

白石修篁罨畫溪數間茅屋倚巖栖山家風味清如許
我憶高人唐子西

秋風搖落後萬象出清真木脫山見骨水枯波不鱗地
如盤谷序人是葛天民何處尋高躅寥寥隔遠津

吟薌往山西約廿日必來今已月餘矣詩以望之
別去方殘暑歸期忽已過虛庭俄葉落滿徑又蒿多局
在綦單著人孤墨對磨新詩增束筍要爾助吟哦

題畫

碧梧漏疎陰綠蕉澣餘濕高齋寂無聲獨鶴如人立

槎枒樹幾株葉脫尙楚楚想見綠陰時其下了無暑
秋隨雁到天末人與鷗分水鄉霜老荻花全白風高榭
葉半黃

一雙雁依淺渚幾葉葦折寒流莫向夜深清唳有人江
上悲秋

甌北集卷十終

麟北集卷十一

起甲申八月至乙酉十二月

陽湖 趙翼 耘松

萬柳堂咏古

禁城南有舊名園萬柳參天綠影繁種樹尙傳廉孟子
題詩終愧趙王孫名卿草木皆堪敬一代邱墟此僅存
剩有漁人爲守護數家應號畏吾村

地多養金魚者
公本畏吾人

曲阜孔莊谷孝廉吟薌友也余曾敘其紅欄書屋
樂府吟薌來爲道相慕之意詩以答之

平生未識孔巢父曾讀紅欄稿一編著錄已登書畫舫
才名爭慕孝廉船填詞花月張三影置酒杯盤趙壹錢
他日計偕來射策期君同醉咬春筵

送吟菴南歸

南北踪難定馳驅道路長詩應增古蹟身漸老名場橋
柏家千里兼葭水一方明春看獻賦期汝日華旁

題程尺木上舍夢雲圖

非想非非想處是誰引入吟魂正逢洛浦拾翠忽踏鄂
舟到門一幅唐人小說九分莊子寓言人生若非夢境
安得副此情根

仙游也復多恐好境原難久棲欲到還防風引再來兼
怕路迷涼人秋在天末催客月落花西始悟癡萍逐水
不如禪絮沾泥

寄張廉船

五年不見張公子千里相思無限情
豪每攫人談墓物閒曾伴我讀書
檠結交心有全腔熱懷古詩無一
筆平歸去西江近何事定知著述
益縱橫

聞說居鄉亦樂哉當筵往往玉山
頽多金倚婦誇齊贅奇句驚人傲
楚材錢篋好從書船買逢門莫爲
博徒開一言相寄應珍惜年少如
君未易才

題蔣澄川民部灌園小照

長饒短笠萬絲輕閒對春流滑笏
明此是宦成歸老計喜君先寫畫
圖成

到底烏衣門第高灌園力好課奴
曹腐儒若有畦堪種便合親嘗抱
甕勞

裴少宰師銜恤歸里尋 詔起巡視畿南水利事

竣假歸迎太夫人北上途次又承 詔入闕旣

還 朝以所和遠祖宋司直萬頃歸興詩韻凡

十餘首錄成一冊見示兼索和章謹成四律

銜恤歸廬淚未乾 國恩深處不遑安

十行手詔催裴急四海身關謝事難濟世才猷雲布濩

出山心事水清寒知公攬轡登程日三徑頻將杞菊看

頻歲桑乾溢不乾雁垣百堵待謀安

帝恩拯溺關心切人力廻瀾下手難竹箭波平春漲穩

蛟龍氣靜暮濤寒畿南水利成勞在絳席黃圖歷歷看

詔使旌麾拂露乾鈴轅偶駐未曾安

公攝巡撫數日

臣心似水流

常澹世事如棋着故難畫鼓傳籤雙戟肅皂囊拜疏一
燈寒仙霞關外遡歸早回首青山馬上看

驛路還朝夏潦乾平泉舊第竹平安南陔句有潘輿樂

北海門無蜀道難

客至不拒惟
公同爲然

名世襟期真灑落神仙風骨

自高寒鄴侯不許衡山住終有青編相業看

補鄒衍

人情每厭故數見輒不鮮天亦似好新寒暑輒互遷春
來桃李艷冬來冰霜堅其實總陳迹如文襲舊篇惟其
四時嬗一候一改觀遂使人耳目常換景色妍問天旣
好新何不大改絃天豈可改絃物物命所懸堯時水九
載湯時早七年畧作小變局已戕億萬千是以天有樞

但照常轉旋

忽然暖氣來嚴冷避何許忽然寒氣來炎歊復何所若無大裴橐何以速收貯疑此天宇外又有一天宇彼此氣往來互換作寒暑此間熱方退去噓彼谷黍彼中寒將歸來作此冬序兩天如連環一氣如織杼問天然不然鄰衍所未語

凡地所生物皆增地高仰草木焚爲灰日夜添塵埃人死埋入土又足脹黃壤銖銖而積之不覺地暗長沙多可成山埃多可沒礫洪荒至今日所積已浩穰焉知此地輪不已高尋丈爾後千萬年疊累更可想將毋地日崇與天相摩盪一笑杞人憂毋乃太幻妄世果有此時

汝不知何往

螃蟹外有殼魚內多刺殼如城郭堅刺如戈矛利防
護非不周終焉入刀匕乃知人最毒戕物供嗜味設有
朱粲流將人剝屠肆噉醉如糟豚脂乾作糗糈此豈不
痛心何弗觀易地吾已見及此戒殺愧猶未解鮓孰去
留亟付門生議

九日陶然亭同人小集

孤亭看菊半詞曹車馬無煩出郭勞南浦綠餘人柳老
西山青山女墻高騷壇盟敢操牛耳拊陣轟如戰虎牢
地僻向來無古蹟茲遊或可續題餽

哭門人董東亭庶常之訃

一紙書催淚萬行斯人才思擅齊梁并無福可消貧宦
剩有身歸葬故鄉春夢一場怪富貴秋風何處哭文章
生平好嘔心成句君素病咯血絲盡枯蠶得不僵

十年一第返江關也算人生衣錦還到日家惟懸磬在
病來身死亂書間方修昆陵邑誌消埋奇氣虹千尺零落殘篇豹

一斑贏得憐才情不約京華朋舊淚同潸

孤露身真落葉如曾憐少賤帶經鋤生無薄產常依婦
才可名山未著書家在一方鴻爪裏名沉千古貉邱餘
從知墮地須論命何物憑君覽揆初

通家孔李舊相存

令祖曾受業於先曾祖

一載師生誼倍敦無分侯芭

爲負土最憐董相不窺園可應食字成仙去賸有名經

比佛尊

君會試制藝
爲時所推

寂寞草元亭下路一樽酒更與誰論

同年方牧園謁選入都話舊

少日盟壇共酒樽相思雲樹渺江村離懷豈意聯牀晤
交誼原從戴笠敦著述關心揚子宅寒暄回首醉翁門

謂座主汪
文端師

長安冠蓋知多少情好終輸舊弟兄

鹿鳴一榜共追攀彈指升沉數載間宿草幾人登鬼錄
前茅有客到卿班頭銜清我條冰署手板遲君挂笏山
贏得兩人無恙在對牀風雨話蕭閒

得第還家手一編八年方謁選人前古方久向觀書熟
新局今堪按譜傳爲政終推經術吏此官不患粥餽錢
他時治行看書最好入循良第幾篇

同年平姚海明府保薦入都賦贈

一別星霜幾度催
天涯報最喜重來
多年簿領還書味
半路功名起吏才

君自翰林
改官邑宰

舊榻再談燈睒睒
新篘真見

刃恢恢令人却
羨專城樂如戟
鬢未雪皚

滕王閣畔赴官程
七載賢勞起政聲
南浦雲爲才子麗
西江水似長官清
石壕夜靜追符少
燕寢香凝好句成
莫道循良無薦達
御屏高處已書名

猶憶征車去國年
玉堂回首路迢然
庸知失馬非爲福
別有飛鳧去作仙
清帶頭冰官鮮
卻潤分掌露縣花妍
政成果應名都擢
鈴閣何須羨木天

時已擢
郡丞

贈吳鑑南民部

癡絕吳民部詩才迥不羣官貧常數米客到便論文似

舅何無忌

君爲商賈意切

爲郎楊子雲沉寔寧用歎佳句已流聞

從吳民部寓齋借觀商寶意太守詩集爲題長句

彩筆詞垣舊擅場喜看暮景更飛揚冷曹乞郡貧何譁

君由翰林引見時奏乞補外得授郡丞

才子爲官老尙狂宗派幾家唐大歷敦

槃今日魯靈光旗亭講壁應傳徧莫漫廬山寺裏藏

寫本纔看脫小胥攜來光早映牕虛便當燈下新翻曲

尙是人間未見書才豈患多花醲蜜熟真生巧水成渠

笑余欲乞鄰家火却似光偷繫壁餘

寶意前輩枉過論文卽送其出守雲南

卅年宿望領風騷良晤今酬結想勞並世豈容交臂失

著書已見等身高江山奇處官都到簿領忙來句益豪
自爲斯文修後進不關行輩繼詞曹

繡幃遙臨大度河殊方風景總堪哦碧雞頌後雄詞少
金馬人來好句多非鬼分躋占北戶獐苗賣劍誤南訛
從知千載蒼山石宦績文名兩不磨

觀家人醃菜戲成四十韻

物產推安肅秋成慶阜豐
馴來樊圃畔輦集藁街東
民幸無茲色儒原稱此風
灌憐園叟苦賣厭市牙紅
碧葉經霜綻嬌芽帶雨茱
罍同三非品不雜五葷叢
細異辛堪薦肥看甲不更
蕉心包宛轉藕腕研玲瓏
瑩白光凝外含黃美在中
洗隨銀指滑截愛玉肪融
拗嫩先冬筍

嘗新竝晚菰飴鹽同日貴塵甌一時雄賣處爭求益挑
來各禦窮春盤猶未設地窖或還烘剝似層層繅堆疑
寸寸葱酒餘西爽送饌底下陳充入粥成羹沸爲蠶用
火攻芼時薑桂糝醉後翅糟蒙生熟俱宜口清腴詎鼓
隴儘多回美味兼有解醒功純漫繃絲綠葵輸鳴脚紅
茹蔬貧宦慣蓄旨內人工食肉曾嫌鄙飢腸故久空珍
藏登瓦缶賤價倒筠籠嚼餐屠門快烹矜鼎養隆煮分
煨芋火切傍點道簫入腹隨藜苳呼山免鞠窮餘甘施
婢獲均惠到兒童尙愧遺羹遠聊矜宰肉公祭修尼父
豆齋比太常官才本胡蘆樣餐勝苜蓿藪恰宜疏食澹
何取簋殮饌名敢元脩獨貧甘庾杲同侯鯖羞挾瑟官

鮮陋鄙簡自愛枯僧味還慚老圃躬咬根心故淡送把
意彌崇鄉思懷櫻筍生涯感梗蓬歸猶慳杞菊嗜敢望
魚熊已免黃精劇兼資白粲薰俯看盆盎滿吾亦富家
翁

送周山茨侍講觀察蒼梧

簞函親捧出層霄異數書生簡外條詞賦舊推剡右少
吏六條報稱應多開濟畧

主知特達異常訓

按部旌麾一番新何須回首玉堂春此官頗見宜前席

近日梁璠舉少宰蔡西澤司寇皆由道員內擢故以此爲賀有客還應羨後薪
王夢樓博斯齋俱先出守應羨後來居上也

桂管路今非絕徼柳州地又有傳人舊游可憶京闈夜

燈火深談到嚮晨

壬午秋與君同校京闈連夕劇談

戲咏火判官

京師人於上元節以泥塑鬼列虛其腹燃火於中爲戲

滿街燈燭正喧豗變相俄驚地獄開
畧似人形泥塑在
是何兒戲火攻來漫疑古佛多毫相
翻恐冥官也劫灰
不是禁烟寒食候莫教錯認介之推

燄摩天豈汝班行判簿聊矜點鬼忙
人以頭焦驚上客
世無竈養作中郎幾時洗得心如
水何術修成頂放光
莫怪劉元搏活脫熏烟滿面不施粧

祿籍端資校勘功故當炙手勢豪雄
共驚氣燄能炎上
誰識神靈也熱中隸以夜叉應面黑
配宜早媛稱顏紅

只愁黃胖游春罷，碎作飛塵陌上空。

韓平原事見白
微醺及談數

噓吸真疑有式憑，不同土偶坐槽塋。
潑寒胡到趨應附，姑射仙來見或憎。
似吐老僧三昧火，漫騎冷宦一條冰。
平生性不因人熱，任爾乘權氣鬱蒸。

三月十三日程叢閣舍人招同錢籀石宰相兩學
士曹來殷編修王述庵比部吳白華庶常陸耳
山家璞函舍人各攜壺榼陶然亭爲展上巳會
分賦二律

虛亭聯雅集，各自挈盤匱。
正喜春增閏，何妨禊展期。
真成無事飲，未免有情癡。
不識誰賓主，長安此會奇。

淺水蘆芽嫩，平隄柳色新。
城中如野外，酒客盡詩人。
會

尙名修襖遲兼當送春還期消暑飲重此滌襟塵

送房師趙檢齋先生由工部郎出守衛輝

御紙簽名典郡催班春喜氣照行杯淇園地好還多竹
水部才高夙咏梅書戟紅開騶唱裏太行青到馬頭來
下車曾聽歌襦袴試手從容幹濟才

回首深慚國士知春官桃李手栽時文非上考成名倖
感爲中年得第遲九轉敢誇燒滿候一莊未卜報何期
都亭祖帳臨行處淇水悠悠繫我思

送牧闕出宰高安

計日郵程發潞河尙煩話別屢頻過此行但飲西江水
相送何嫌下里歌才子科名真有數

君鄉會試皆第二

好官條約

本無多朱衣前隊歡迎處早慰高堂兩髯皓

貧賤交情自昔真同年兄弟最相親壇高北地詩爲社

舊與君結詩社

香在南豐學有津

謂座主注文端師

吾老漫期文苑傳君才

真稱宰官身不須惜別增惆悵報最來仍共夕晨

題蔣南莊州牧松陰調鶴圖

長松落落午風晴對舞胎仙一兩聲此是吾家清獻物
爲君寫出長官清

訟亭閒處壁吟箋素節爭推吳隱泉佳話好添循吏傳
除供鶴料更無錢

吟薌獻賦報罷復赴京闈就試

重看襤被卸燕臺行殿新憐獻賦回人似春蠶眠又

起跡隨侯雁去還來封侯卽此不龜手相士終推倚馬
才豈有斯人長落魄扶搖風力已曾培

漫興

紙牕涼通露華清顧影蕭然感易生漸老髣毛攪黑白
就衰筋骨驗陰晴將車送鬼窮難去食字求仙候未成
手剔寒燈清不寐階前落葉報秋聲

富貴何曾有盡期胡爲行者競如馳日雖夸父身能逐
山豈愚公力可移絕頂樓臺人倦後滿堂袍笏戲闌時
與君醒眼從旁看漏盡鐘鳴最可思

題吟薌鏡影小照

白毫光滿月不是結跏人才擅詩書畫心叅形影神寧

同化身幻恰與故吾親想見澄觀處匡廬面目真

我我周旋久相知最不差人無于水鑑佛說有空花且
莫論皮相何須感髣華頭顱三十許詞賦已成家

莊似換上舍吾鄉才士也三獻賦報罷今來試京
闈又被黜於其出都也詩以送之

與君鄉國未深談相見長安鬢已經賦草千言 屬車
下才名十載大江南年華漸覺秋花晚文境空餘老蔗
甘太息斯人艱一舉茫茫著筴倩誰探

落葉風前動別愁蕭然南下趁扁舟諸公共惜投繯去
寒士難爲索米畱 榜後歸期同社燕酒邊客感付江
鷗通才畢竟襟懷曠不把文章哭九秋

跋扈詞場久主盟何堪踪跡尙孤征淮陰終是無雙士
驃騎寧高第五名南國稱詩還最健西臆讀易有餘清
不須更抱窮途感會聽三年奮一鳴

喜吟藪登京兆試賦賀十二韻

京兆門高藁榜懸欣看吾友著鞭先補償文債纔今日
跌宕名場已十年眉宇故無寒乞相頭銜漸上孝廉船
清時科目原堪貴才子詞華本足傳便欲占鰲同輩上
早供嚇鼠俗人前佛程梯筏初禪地仙路雲霞小有天
蟻蝨處禪悲往事鮎魚上竹詫新遷筆端食葉聲猶壯
燈畔吹藜火欲燃場屋困人三里霧功名到手幾文錢
漫誇夢擅生花燦幾度心傷落葉翩與我訂交良已久

因君有喜似相連只愁從此雲霄去五岳同遊約又愆

陶然亭同人小集

經旬閉戶似雞窠忽漫城南蠟屐過人意暗隨秋後老
風聲涼入葦間多中年漸愛逢場戲此地聊堪對酒歌
待取樹頭紅葉綻一鞭更擬踏寒莎

有以疎慢見責者書以誌愧

鮑老郎當久取嫌枉勞寄語問郎潛壺觴地迥多珠履
絲竹堂深隔畫簾妮女數錢工索笑乞兒向火競趨炎
望塵未慣車前拜榜散孤踪敢不恬

掛胸自揣本何長挾冊惟知仰屋梁老馬智空能識路
野狐禪正欲開堂殘編自寶千金帚古學誰探一瓣香

研削燈牕吾老矣忍將一顧乞孫陽

有人來自要津邊苦勸逢時趣改絃敢以敬容殘客待
深蒙范叔故人憐芒鞋不稱朱門步羸騎羞隨繡轡鞭
斑竹簾前窗草綠已看木榻坐將穿

送可光內弟秋試報罷南歸

晴衝塵沙雨衝潦經年兩走長安道奔馳真歎皮骨空
連蹇兼悲髩華皓憶我初爲君家婿諸舅中尤與君好
稱牀客邸常對眠挾策京闈共赴考骨騰肉飛少年氣
如劍出匣驥出阜荒厨無米榻無氈燈下拈題牋到曉
奇句必令長老驚高談弗顧座客惱便思唾手拾青紫
趁此筆酣墨瀋飽彈指條經二十年往日青春去如掃

我雖僥倖成一第遲暮已愧冬烘腦君更胡爲尙泥滓
布衣脫粟困蓬葆前年負土葬老親去歲買棺殯工嫂
身作勞薪三尺軸家無敝帚千金寶今來力疾戰棘闥
冀得一售風簷稿靴尖本可踢潁城弩末偏難穿魯縞
是何鬼物坐君命事事鉞弄使懊惱君家文行重鄉邑
殖學砥躬各有造石慶門以孝友稱鄭公鄉惟經術討
讀書聲每出金石養親貧猶具蠶蠶弟兄到老不析產
自相師友淬才藻娣姒間能互乳哺童稚輩亦讓梨棗
謂宜種德必發祥如何久困菜根咬吁嗟乎人生中年
奮跡已不早况復場屋頻潦倒求名不遂家又貧荏苒
世間行自老落葉風前送君去泣罷蒼茫向晴昊

送童梧岡編修視學湖南兼寄諸桐嶼辰州

蕩函五色麗朝霞遙指荆南驛路賒道脈至今稱嶽麓
才人自古到長沙雲開衡岫占文筆帆轉湘流過使槎
大雅扶輪須努力儒生此職最清華

行部辰陽禮數寬有人手版謁征鞍

桐嶼君同年也

應劉才子原

同調屈宋衙官恐未安燕寢香凝杯酒暖轅門風靜鼓
聲寒相逢爲道邠鄉老自少詩朋興漸闌

蒙

恩命偕張塏似侍讀主試順天武闈恭紀四律末章兼
呈塏似

一行

御紙出金扉，忝荷持衡入武闈。豈有兵堪談白面，敢期

身自作朱衣。兩回路記前遊熟，

壬午癸未連歲與分校之後

七品官膺此

遇稀

武闈主試多用大僚從未熟及編檢

自揣書生那足任，冰霜彌凜寸心微。

朱墨迷離謹別裁，胸中兵甲要詳推。一丸泥可觀雄畧，兩石弓寧便將才。藥榜排如魚貫，柳風簷戰似馬銜枚。粗從文義規謀勇，老眼摩挲日幾回。

孫吳未習愧何如，拜

命翻憂學術疎。漫比登壇懸將印，真成臨陣看兵書。數中人豈皆兒戲紙，上談原屬子虛所。願憑空撈漉處，干城材足寄儲胥。

匪旬得侍履綦清，前輩風規最老成。我不知文聊論武，

君纔校士又談兵

君分校文
場餘月餘

翻書互究縱橫說點筆同諧

競病聲叨荷虛衷屢商確鎖牕每到月華明

聚奎堂用壁間明人王衷白韻呈同考諸公

武科文義不多深

恩許量材棘院臨善相馬須空冀野凱旋牛已放桃林
知方要備韜鈴用爲將先觀氣韻沉最喜奎垣多勝侶
朱衣影裏共盟心

對策諸生孰淺深專家粉本各摹臨時無兵革惟文陣
材可干城亦士林日短燭須三鼓繼天寒火易一爐沉
虛堂好片冰霜氣恰稱吾曹似水心

尹相公還朝詩以奉賀

經年揆席待調梅借寇今纔納節回家世本傳黃閣貴
人情久望絳騶來甘棠有愛歌思滿溫樹無言氣脈培
正是小春時節到看噓鄒律徧春臺

四十餘年擁節麾黃扉從此藉論思

帝因髣髴雪隆耆舊人以膚雲待設施鎮靜中流無險浪
晴明西日似初曦昔賢到老彌加力驗取黃花晚節詩
九重優禮許誰攀畫接頻聞

寵命頒樊重門原高戚里

公女爲皇八子妃

蘇瓌子又躡卿班

公

樹齊翁

道尊少海資陶育

上命公爲皇太子師

地錫平泉養晏閒

上命以鄂文

端舊閣

賜公

眷注愈深擔益鉅知公難謝髣毛班

五雲高處福星明，占是台階贊太平。
朝有白頭增氣象，身將青史論勳名。
皂囊封有嘉謀告，畫舫齊還好句成。
待取調元仁壽溥，受恩豈獨老門生。

友人以鄴城懷古詩見示，但侈陳魏瓦齊磚而於
歷代割據建都之跡殊多掛漏，爲補成八首。

霸圖開國古漳濱，銅雀臺高迥入雲。
自古英雄多好色，最難子弟總能文。
史將正統移歸蜀，身托虛名服事殷。
此意被人終看破，不如七十二疑墳。

別築華林廣鄴臺，破車快犢亦雄哉。

鄴中有華林園，自石虎建都始。

亂朝土

木輕民命劫運河，山入賊才燃燭萬枝宵。
作苦行樓三級獵，陽開長安鐘虞纔移洛。
又費輪蹄自洛來。

紛紛石冉掃如烟萬堞名都改屬燕

慕容傳滅冉石後遷都於此

建號詭

憑傳國璽喪師終恨錮山泉紫宮路遠雙飛去白首人

歸再造年故國不忘恢復計燒亭斬吏又騷然

慕容垂復燕亦於此

起兵文符不

爾朱百萬下金戈一戰功成乞活多

高歡據鄴以六鎮流人使爾朱天光等兵二十餘萬

後遷魏帝都此

定霸遂開齊社稷遷都猶續魏山河英風馬上

鮮卑語老淚尊前救勒歌死葬漳濱尙臣節麒麟高塚

鬱嵯峨

飛來青雀可憐蟲徒擁虛名在九重

率靜帝都此魏已歸高氏

自古有亡

何用活此人又似不相容三拳狗脚親遭侮一乘牛車

出就封最是六宮同泣別願王玉體壽喬松

早年沉晦避朝權九錫俄膺勸進箋唾手版圖移拓跋

裸身戎馬定柔然荒淫開國遑身後言語通靈每事前

乃父如龍兄似虎誰知幾難竟登天

齊高洋潛位亦都此以下皆北齊事

骨肉相循自剪屠濟南死又樂陵誅報讐伯有能爲厲

好色觀音亦現姝

見徐之傳

武衛扣刀娥永樂童謠唱路阿

嫠姑涼風堂上如償博千載傷心乞作奴

無愁天子在深宮高末歌先舉國同紫闥謀臣盲宰相

黃離保母女英雄

謂陸令萱有英氣

鬪雞賜爵雕籠上聚蠅觀人

浴斛中最是小憐西去後青裙換却翟禕紅

內弟劉敬輿自粵西罷官歸里寄詩慰之

清勤心迹我深知何事彈章苦索疵出宰民歌來暮務

松官地有去思碑拙甘牛後聊循分老學蛾眉罕入時
且喜高堂還健飯得歸侍養更何悲

也知閒可泛烟波那便從容得嘯歌二頃不營真達者
一官可罷奈貧何家添食指偏加倍民送歸
還有書生餘習在陳編長日好消磨

送劉邦甸出都

與君結交非一日同補諸生便相識江城風雨一夕談
意氣忽如膠入漆其時豪宕各少年班荆更有吳瀛仙
三人五日必一面不面令人夜不眠共攜百錢入酒肆
醉談四座驚轟闕轉眼飢驅各馳騫我先索米長安住
君也衣食奔走間入京出京凡幾度今來仍爲區區名

銖積數載納粟成京闕榜發又報罷依人那得辭長征
年過四十心未死冀得祿養可代耕太倉升斗定何日
垂白親已需杖行雪花打頭風酸鼻過我話別難爲情
吁嗟乎人生在世如轉轂前路茫茫總難卜天公賦命
本不齊孰應受窮孰享福權非已操可若何所自盡者
只幽獨欲耕無地且硯田欲養無祿且館穀臨分更酌
一杯酒愧我無力堪援手淚眼徒看失意人二十年前
一老友

題袁止所主政我我周旋圖

佛說有化身易言貴觀我君乃獨取蒙莊書寫此一對
解衣磅礴躀旣非形影神句問答頻亦非千百億軀示

現夥無端入畫一而二一端正相一偏頗初疑高人對
奕閒又疑雅客晤談叟豈知不得生區別左者卽右右
卽左靜如寡女顧影憐趨如定僧出神坐問君何事弄
狡獪幻出人間兩么麼得非形骸以外莫可親傲視世
人無一妥不然幽獨之地內勘嚴欲旋面目自卽可此
則吾儒學問事兩我相証不容躲一啼一笑情輒呈亦
步亦趨履休跛有醜在鏡撲則愚有愧在衾去須果君
其自此益遠矣此身不墮劫輪火吾獨悲夫身爲累如
蠶作繭密纏裹笑君一身難了又一身不知何時可以
脫輻鎖

題慶雨林水石清娛小照

此松斜偃身輪囷蒼然欲動之而鱗有人倚坐露其頂
一水一石娛蕭晨噫嘻此特高人逸士幽致耳君乃翩
翩貴公子胡爲身在豹尾班行中心在龍眠畫圖裏得
非好文不好武欲以風雅自陶洗君不見宋牧仲少年
執戟爲侍從後來改官歷清卿文采聲華天下重又不
見揆愷功亦曾宿衛甘泉宮一朝領袖玉堂上多少宿
素推宗工君家門戶方鼎盛安知不有奇遇堪相映好
趁青春多讀書他年倘執騷壇柄王令文章誇大進不
然擁節建麾亦可歌競病

題慶樹齋少宰方山靜憩圖

鴻爪重圖舊履綦生平遊跡最堪思方山片石松陰滿

此是當年鍊句時

寫照時纔五品官
半年曳履食堂餐
畫師預識三遷信
只畫科頭不著冠

此福應須讓我曹
侍中三十自堪豪
如何兼托幽人興
要占林泉一片高

山水清音愜素襟
風流非慕晉人深
官高不改書生味
始是前賢澹泊心

久不按家書里中
馬生浩如來京始
知老母安信
舍弟新舉一子可喜也

半載無家信書來
轉益愁高堂頭上
雪破屋岸邊舟黃
葉落如許白雲寒
自流一燈孤館夜
鄉夢轉悠悠

一事欣予季中秋正洗兒門單期衍緒親老要含飴姑
恩難爲父童蒙貴擇師門殤姑勿論弟已生三子一女俱壽有子未
嫌遲

歲暮示吟鄉

殘冬冰雪天半事峭毛糝蕭齋共故人偏覺清况頗門
却車輾轆帘隔塵垢劇談舌翻濶雅謔口炙輶各訂
一編藁刮磨到貼安項領龍養珠膈膊雞抱卵此興殊
不俗嗒焉忘爾我廻看長安中北屋涕碎瑣豪家考歲
會主進累錢梁握籌算錙銖操券責粒顆怕人食言肥
防客觀頤朶亦有貧乏戶龜手歎勞瘁索米腹每枵典
衣身或裸債帥難避臺逋寇欲逃鎖眼前吾兩人獨得

掩關坐本無富貴藏幸未窮坑墮處世貴和福卽此便
機可警生命原薄出身從坎壈取數戒太奢謀生在聊
寄胡爲遲無涯美彼金玉瑳願奢分有定作計恐終左
且尋爽鳩樂勿學蘭羅裏人生能幾時疾於弦激符不
見臘又盡家家爆竹火

甌北集卷十二

起丙戌正月軍
是年十一月

陽湖 趙翼 耘菘

丙戌元旦試筆

東風又到六街塵身世俄驚四十春
少小幾時行歎老昇平方好敢傷貧
五經次第傳諸子萬卷低昂聚古人
獨有鄉心難遣處高堂髮已白如銀

上元後一夕同兒輩市口看燈

昨宵佳節天大風市頭燈火一掃空
今朝無風天色好滿街人沸月影中
兒曹率衣喜相告出門要看紅燈紅
對之那能卽喚喝聊與命駕菜市東
置膝自抱我誠癖上車不落渠自雄
發蒙教猜春謎字遠眸引避市語訃

倚逢相識見應笑如雞穀雛在一籠中年漸多兒女愛
已無大志立事功竿木逢場且作戲閒情聊托兒嬉同
却憶倚閨人望我亦如我愛諸孩童

曉出西便門

出郊殘柝尙城闌此路頻經十六春事往難尋鴻爪跡
身閒常怯馬蹄塵月斜西嶺如歸客柳識東風似故人
勾引鄉心入殘夢惜騰欬到五湖濱

題韋鐵夫教諭授經圖爲令嗣約軒編修

不教顏柳擅家規一幅如披諷諭詩代遠業猶傳故相
官閒身自課佳兒無鱣集座沉淪慣有鯢趨庭變化奇
三尺書郎今及第由來名父作經師

冰冷儒官建立殊通經致用果非迂青瑣堂下辭私餽
黃鵠陂前議免租在本當局能肩真鐵漢滿籬何物笑金
夫不須數典援韋幔賜策陰功券此圖

黃烈婦輓詩姓蔣氏儀曹黃恩錫子婦

酌酒夫君晷未移飾巾自結一纒絲遂從逝者尋歸路
早向生前尅死期冢樹定看連理出麻衣猶帶九原披
傷心獨有衰翁淚哭罷西河又一悲

送項任用吏部請假歸歛

典選清聲沔水如三班方倚掌銓除爲尋坡老聯牀約
君與今兄部堂最友愛遂輟山公啟事書舞袖揚邊撾鼓罷順風船上
落帆初家園百里天鄣近遙識春游昇筍輿

得心餘書却寄

足音跼然到千里忽得故人書一紙遙知歸養仍未寧
一歲攜家輒三徙買宅金陵席不暖艤櫓南昌帆又駛
驚湖歸住逾半年扁舟又向石城指罷官已同鵲繞枝
爲客更似魚失水眼看身自作黔婁還倒空囊救桑梓
無錢恥乞有好施曷怪方朔飢欲死昨傳白門待掌教
當路忽入細人毀得非磨蝎坐身官所至輒撓謗俄起
姑蘇講席定何如復恐有物尼之止生平百尺樓嫌低
不屑侯門蹴珠履豈知翻傍矮簷下求一托足艱如此
江湖可樂貧奈何賦罷懷人淚瀟瀟

尹君公自江寧還輒時論
屬吏延君爲鍾山書院山

長後有忌之者遂不果而君書又云
吳中撫軍亦有書院之約故詩及之

入闈分校奉和總裁尹相公用壁間韻之作兼呈
同考諸公

文昌星映棘闈深節鉞歸來此乍臨人喜朱衣新宰相
公原青瑣舊詞林導師豎拂宗風侶老將登壇氣韻沉
文體從看趨雅正別裁早已具精心

考官畢出 禁垣深妙選緣知

帝鑒臨接座清言霏似屑分題名作列如林人才可惜
珠休棄文價何憑羽亦沉畫燭三條應共勘昔年辛苦
認初心

新進慚叨 寵遇深五年此地四經臨頻添泥爪留詩
壁又認巢痕到易林

癸未分校得易五
房今又得易五房

朱碧迷離燈影炫星

河絡角漏聲沉摩挲敢說無花眼應只堅持似水心

翻閱落卷再疊前韻

差排文卷畫堂深覆校渾如帖又臨退筆幾堆將入冢
神片一柄再搜林額癢恨不將花點鼻觀那能盡水沉
五色目迷吾敢忽幾材或恐有琴心

尹公又有詩見示依韻奉和

束筍堆成帙滿家披吟每到夕陽斜知公久倦看花眼
只愛看他筆底花

原詩有負却三春飽看花之句

連篇險韻屢翻新似化青蓮百億身始識白頭文潞國

精神真過少年人

用蘇子瞻謂潞公語

初度爭傳浴佛期聚奎堂上介維祺

公誕辰在四月八日尚書閣榜

祝延不

用華嚴懺千佛名經正出時

校勘還聞坐夜深似愁海底有珠沉
風簷共說文心苦誰識先生更苦心

再疊前韻

入彀能收幾作家愧持肥筆點橫斜
漫言桃李春光好有客東風怨落花

名魁又見一番新都是朱衣點後身
那得不當成佛看度人橋上不多人

吹噓送上枉相期文字終須論福祺
眼看落花留不住倚闌無語立多時

漫說詞源有淺深盡歸烟海聽浮沉
臂鷹手亦無憑準

老去羞誇見獵心

將放榜再用壁間韻

嚴扃列坐月餘深不覺春歸夏已臨
幾日金泥爭寫帖
一班玉筍又成林
筆端食葉聲初寂
帷外看燈影尙沉
難得宗工皆藻鑑
得人應可答

天心

薦來文卷較功深
十一欄衫會賁臨
聊免借材資異地

本房中式十一卷幸已足額無煩他房撥補也

知誰翹楚出平林
敢期陸氏莊多熟
還

恐豐城劍或沉
古戰場邊一回首
冰霜寒到五更心

紀辛齋侍御房卷獨少用總裁韻遣興和以解之
採得芳菲聚一家
却分鄰杏幾枝斜
定知一樣春妍處

已乞食不諱陶淵明噫吁噫男兒胸中有千載髭髮扶
桑濯滄海前身摩詰夙有緣後世子雲遙可待何曾托
志燕雀微詎屑爭食雞鶩豈知中歲尙塵鞅萬卷徒
供救饑餒向人啼笑爲人忙此意真堪付一喟繫余新
抱西河悲賴有良友開心期無端折柳又相送曷禁淚
下如綆縻

暮夜醉歸入寢門似聞亡兒病中氣息知其魂尙
爲我候門也

跬步相隨履跡存牽衣每到月黃昏豈知死後孤魂在
猶爲而翁夜候門

小膽生曾怕獨眠堪憐冷骨委荒阡夜深野鬼多于蠟

好自來依乃父邊

簾鉤風動月西斜彷彿幽魂尙在家呼到夜深仍不應
一燈如豆落寒花

再世爲人事有無此生何處見童烏寒窓夫婦閒相對
一度追思一淚枯

題曹檀潯柳汀觀稼圖應令嗣來殷編修屬時來

殷方乞假歸省

東臯雨足水沒陂鷄軋區塍亂秧馬澤農三五趣蒔秧
雁字排連各分把方如棋卦直似繩頃刻未耕綠滿野
觀稼者誰柳陰斜白葛衫子輕於紗旁觀謂是課耕叟
不知身已曾受語五花爲農氣味性所嘉來與幽風畫

圖添景色飯筭能饒杖不擎人生動慕富且貴豈知真
樂不在榮利內那如腰帶鎌手秉耒薅草殺蟲治蕪穢
上辦縣官租下了方社賽夕仙布衾脚朝曝茅簷背有
秫可釀秫可春閒覓詩朋招酒對不借之履獨速衣風
味自勝緋魚袋先生其真達者流腹笥便便無等輩乃
作識字耕夫甘守退練川秋晚熟田禾遙識逢年樂事
多況值循陔人恰到看將華黍譜笙歌

聞桐嶼罷官卻寄

一麾出守到辰陽忽被彈蕉孰中傷儒術豈應疎撫字
仕途未可恃文章空留東閣花如雪可惜中年鬢未霜
太息暮明分手日曾期治行漢循良

早聞劉寵一錢無懸坐何堪更積逋前路已成新破甑
中流安得一懸壺訟庭對簿隨堦鶴薄產償官寫券驢
回首舊遊真似夢曾持彩筆直金鋪

中秋夕感亡兒作

又看中秋片月圓未乾老淚再潸然一家依舊團圓夜
憐汝孤魂若箇邊

竹君述庵菴園來殷耳山璞函小集寓齋卽事

老屋三間聚履綦到來便擬夜歸遲地非北郭聯吟處
人似西園雅集時名飲豈須絲竹肉清談無過畫書詩
只慚疏韭誇高宴未免人嗤措大爲

蕭寺看花僅幾旬俄驚裘褐戒霜晨年光真覺如彈指

著述猶難到等身五鼎食中無我輩千秋亭外幾癡人
祇應轟醉過殘臘此便消寒第一巡

題錢方壺歲寒小照爲令嗣辛楣學士

紙牕炙硯坐圍爐三徑寥蕭一客無正是閉門風雪候
爲翁題取歲寒圖

木落山容刻露眞孤清風味許誰親羊羔酒客應相笑
大有人間冷淡人

題查恂叔太守榕巢圖

君守太平時結巢於榕樹以爲書室

一官南徼幾經年老樹枝間結屋偏要識政成無一事
退衙便作鳥窠禪

後樂情深肯愛閒爲民桑土幾煩艱誰知十笏書齋地

別有胸中履萬間

題述庵蒲褐山房冊子

吾友吏隱徒買宅城南隅不村又不郭無邱亦無壑但有槐柳三五株綠陰滿庭似張幕每日退直歸下帷誦忍飢齋名曰蒲褐恰如頭陀苦行局禪扉不謂人海中乃有此境堪息機我觀朝士徧臺省往往好寫家園景問渠懷鄉胡不歸徒托高情付畫餅丈夫未得立功立事賦遂初又無買山錢可營田廬聊復出了官事入讀書糞除一室爲幽居君不見王子猷偶然僦居未暖席何可一日無此君便令種竹青滿宅又不見韋蘇州官閣前頭森畫戟放衙無事便咏詩燕寢凝香裊烟碧古

來達人所見殊漚然知君已得其真詮一蒲團上披老
褐周妻何肉蘇晉禪獨慚寄園本是吾家地輸與高人
占清閨何當僦屋重結鄰彌勒同龕叅妙義地本家天羽給
諫寄園故址也
已卯庚辰間余曾
與君止鄰而居

賦得紅藥當階翻

甲戌試中書
題得書字

薇省韶華麗名葩燦玉除地當承露處花是殿春餘映
日敷紅艷因風動綺疏影搖青瑣闥光映紫泥書非謹
偏如贈將離若故徐過甌陰不定傳粉畫難如清切仙
墀內舒長晝漏初綸扉方視草恰對五花舒

賦得賢不家食

辛巳會試題得
同字五言八韻

聖治光昭日英賢奮跡同館餐方異數家食詎高風自

有千鍾粟寧棲一畝宮指囷辭里友抱甕謝園翁
贈拜蓬池上羹和寶鼎中酌泉逾表潔宰肉故能公
簠簋惟加飭歷困豈愧豐願常懷澹泊仰報國恩隆

千章夏木清

以下皆廷試及館課

夏景榮羣木千章蔚澗阿叢同秦嶺直密似鄧林多
常有疎風度寧穿赤日過蔭深三里霧影綠一池波人
到清涼界禽藏錦繡窠春條徒旖旎秋樹漫婆娑却暑
陰垂地霏香翠滿柯上林佳氣滿物物暢天和

野舍時雨潤

郊原新霽後積澗徧平莎雨爲知時好人因得澤和
濕痕隨處滿元氣此時多林霽衝襲笠村烟暗薜蘿
山眉

濃綠渲水面蔚藍拖隴滑烏犍跡田翻白鷺波丹青無
筆渴膏沐有顏酤

聖德涵濡溥占年稔黍禾

薰風自南來

候符離火正氣驗午風薰入律寧須競披襟自可欣到
先迴谷黍來似帶衙雲獻雉航占順歸鴻羽借勤快宜
前席近涼許北牕分花影迎簾亞荷香入檻芬帟台情
益暢長養意皆祈正叶

當陽治揮絃解阜殷

律中蕤賓

洪鈞宣夏令陽律叶昌期緹室三重啟筠筒五寸吹審

音傳變徵應候協明離能鼓薰風滿還噓溽暑遲星占
流火正泉驗一陰滋黍谷寒先退葭灰暖易知土圭頻
駐馭繡線屢添絲

欽若兼增閏舒長日倍貽

天子始綰

節宣晷

聖化服物協天時溫氈初藏笥輕織始御綈採經啼鳥
谷織異浴蠶絲詎比冰純貴偏兼霧縠奇薄堪延爽氣
密不拒輕颺傍晚涼還脫驅炎午乍披清襟

宸抱暢儉德尙衣知

身度彌加飭常瞻表出規

平秩南訛

長贏覘令序揚謨徧無垠律應薰風扇辰當午位輪天心榮庶彙王政叶洪鈞育物平無頗程功秩有倫種分先後異耦合十千均釐績殊春作生機驗日新百昌蕃庶象一氣化裁神怡協 離明治恢台暢入寅

五月斯螽動股

獎賓迴緹簫翹肖起螽斯未振詵詵羽先看趯趯姿動無肱折慮響出足音奇錯訝鳴雙翼從知暢四肢詎矜趯距勇似演踏歌詞健不當車轍輕難立釣絲化叅魚躍共技豈驚趯隨

聖德徵揚詡羣生以息吹

竹箭有筠

翠篠榮嘉植蒼筠竟體舒文堪彰外美心本蘊中虛新
雨抽萌後清風解籜初光分水蒼玉功在汗青書麗到
凝斑處嬌含帶粉餘詩筒鐫易就墨筆畫難如自覺菁
英煥何嫌節目疎猗猗堪咏德

睿賞寄林筩

月中桂樹

月殿森嘉植敷榮玉宇涼淨根寧著土老幹久經霜不
識何人種常留太古香花真能四照譜不入羣芳賜木
應輸秀星榆敢較長味增丹杵藥豔映素娥敷信識干
霄迴應多沍露灑藥珠宮闕朗攀折許吳剛

寒流聚細文

水邊寒信到細影
賦洞云未凍先冰意
將枯尙浪紋
縐痕纖似數
縠積密於裙
不壯觀
濤賦全收湧
地文波瀾
何用潤脈絡
却微分入書
多皴筆
濡書出瘦筋
詎流紅葉
麗非綴落花
紛萬斛
歸澄澈
天工洗汰勤

春蠶作繭

節屈條柔過春蠶
上簇肥錦心
真欲嘔
筍腹詎愁饑
一縷輕抽緒
千層密作圍
有綿非霧縠
無縫亦天衣
道協藏身固
功成化羽飛
文章五雜組
經緯七裏機
蛛網懸何益
鮫綃購亦稀

皇仁去衣被
挾纈萬方依

玉水方流

產玉河呈瑞寧徒燭寶光聚圭原有角折水亦成方好
映觚稜屋難環頰辟塘浣衣偏稱拾采藻却宜筐不繞
千盤嶺應流九曲觴波寧隨月轉淵定少珠藏賦叶成
珪句珍符摺珽章于闐今版籍東注鞏金湯

德車結旌

行旌昭物采表德異戎車豈乏旒堪綴匪帶之餘鉤
衡轅共曲如組轡同紆蘊結心能繪飛揚氣已除不鳴
風獵獵恰映日徐徐畧似垂纓眉寧同析羽舒海峴文
治盛想見武成初以樂堪爲御和鸞仰 翠輿

蟻穿九曲珠

牟尼光外朗宛委竅中含曲似迴腸結紆同折坂驂爰
憑旋埳智備作識途探蚊睫巢猶濶鴛針度可叅暗抽
絲乙乙恰轉徑三三盤眉循條獲晶熒映雪鸞遲非行
磨左窄豈入柯南奇巧成圓照高懸萬象涵

甌北集卷十二終